



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

8. Communes omnium elementorum plagas, à peccatis prouenire.

urn:nbn:de:hbz:466:1-45701

in terra tua: aut tribus mensibus fugies adversarios tuos, & illi te persequentur: aut certe tribus diebus erit pestilentia in terra tua? Quorum tertium elegit David, Immisitq; Deus pestilentiam in Israel, de mane usque ad tempus constitutum, & mortui sunt ex populo à Dan usq; ad Bersabee septuaginta millia virorum. Hic populus occisus est propter Principem, heu quot mortium reum! Nam qui peccavit, occidit. Ad quem modum sæpe, unius obnoxiam, brevi tempore, ita oppida atque regna, immissa lue, exhauriuntur, ut vix quarta pars hominum restet. Quod dudum se improbis facturum minatus est Dominus. Nec pestem tantum, sed etiam bestias est minatus; nec minatus est tantum, sed etiam velut exercitum in aciem produxit, iam quidem muscas, iam ciniphes, iam ranas, iam ignitos serpentes, iam vrsos, iam leones & dracones, quæ omnia diuinis judicijs acciderunt, ut non solum elementa, sed etiam viventia contra hominem pugnarent, in hominis usum creata. Cur enim non mutarent finem suum, cum homo ipse prius à fine suo declinet? Sic Gigantes caelo bellum facientes sunt fulminandi.

Sed illud mihi quis obijciat, Davidem populo numerando peccasse, populum luisse; quod à diuina bonitate videtur esse alienum. Huic respondeo, quod superius dixi, non solum iustum esse DEVM, si dominio suo utatur in innocentes, sed etiam benignum. Tollit enim eos, ne malis grauioribus inuoluantur. Nec magnum malum est, mortem, cui antea addicti sumus, populo citius, in exemplum aliorum accelerare. Deinde aio, habere etiam & videre DEVM in populo causam, cum eum plectit, Principe delinquente. Etsi enim id ignoremus, suo tamen tempore patefiet. Accedit, populum esse membra, regem caput regni; quid ergo mirum, si membra propter caput puniantur? Præsertim, quia plerumque ipsius Principis peccata in populum redundant? An non Dauide sibi de multitudine ac potentia placentem, etiam ipse populus intumuit, plus viribus suis, quàm diuinis auxilijs nixus? An non rege iniusto, iniusti fiunt & ministri, & populus vniuersus: siue cum nimis impatienter murmurat, siue cum mores & exemplum regis imitatur? Cerrè vbi nimis exactiones instituuntur à magistratu, populus quoque in-

Zzz

iustis

Leuit. 26. 17.
Num. 14. 12.
Deut. 28. 21.
Ierem. 21. 6.
Ezech. 5. 7.

VIII.

justis artibus pecuniam facit. Rectè igitur Deus, ob Davidis peccatum, pestem intulit populo Davidis. Quod poenæ genus à Deo venire, longè clarius est, quàm bella: cum pestem, per causas naturales exortam directè possit velle, nullà culpà interveniente; bella autem, quæ injustè suscipiuntur, non possit velle directè, sed tantùm diuinæ providentiæ suæ æquitate permittat, in scelerum vindictam; sicut ipsos cacodæmones subinde relaxat, sinitque, tamquam justitiæ ministros, per provinciam, vel domum grassari, quos alioqui diuinâ suâ virtute constrinxisset, & ne nocerent terræ aut mari, cohibuisset. Itaque siue morbos, siue mortes, easque seu publicas, seu priuatas audiamus, Psal. 144. 17. semper dicamus: *Iustus Dominus in omnibus vijs suis: & sanctus in omnibus operibus suis.* Quòd si autem mortes cladesque tales horremus, horreamus peccatum, causam talium calamitatum. Eo 2. Paralip. 7. cessante, cessabunt & istæ, Domino ad Salomonem dicente: *Si clausero calum, & pluuia non fluxerit; & mandauero, & praepero locusta, ut deuoret terram; & misero pestilentiam in populum meum; conuersus autem populus meus, super quos innocatũ est nomen meum, deprecatus me fuerit; & exquisierit faciem meam, & egerit poenitentiam, à vijs suis pessimis: & ego exaudiam de calo, & propitiuus ero peccatis eorum, & sanabo terram eorum.* Vbi aliud genus est nauis, aliud genus remi adhibendum est.

CAPVT L.

Tragico Mauritij Imperatoris exemplo ostenditur, quàm iusta sint iudicia DEI, immò & quàm clementia, si quem publico, etiam per carnificem, supplicio affici, aut ferro excindi patiatur.

I,

Georgius
Cedrenus in

Nullam aut auaritiæ luculentâ calamitate punitæ; aut inclementiæ atque inhumanitatis diuinitus insigniter castigatæ; aut etiam magnæ dignitatis de summo culmine, ob neglectos subditos, dejectæ extat horrendum exemplum, est illud, quod tum alij, tum verò prolixè Georgius Cedrenus in hunc modum narrat, magnatibusque proponit consideran-